



Innkalling og saksliste for programstyret i Spansk språk og latinamerikastudium

Dato: 19. februar 2020

Tid: kl. 12:30-14.00

Sted: HF-bygget, rom 309

Saksliste:

01/20 Godkjenning av innkalling og saksliste

02/20 Godkjenning av møtereferat frå programstyremøte 20. november (*sjå vedlegg*)

03/20 Orienteringssaker

Plan for studentevalueringar jamfør «Modell for kvalitetsutvikling». Programstyresekretæren presenterer eit enkelt forslag til ein slik plan.

04/20 Diskusjonssaker

1. Undervisning og eksamensarbeid våren 2020?
2. Evaluering – oppgåver /grunnlagsmateriale for ekstern fagfelle, Hans Jacob Ohldieck.

05/20 Vedtakssaker

1. Høve til å kommentere innhaldet i eignevalueringane av undervisningsemne hausten 2019 (SPLA100, SPLA117, SPLA118, SPLA119, SPLA311, SPLA312, SPLA313, DIDASPA1, SPANDI101, SPANDI103, SPLA350). Vedta eit eller fleire punkt (skisse) over kva som skal prioriterast å vere med i ei kort programevaluering levert til instituttleiinga.
2. Forslag til revisjon av studieplanar, tilpassing til ny studieordning med analogt opplegg for campus- og fjernstudentar.

06/20 Ymse



Referat frå programstyret i Spansk språk og latinamerikastudium

Dato: 20. november 2019

Tid: kl. 14:15-15.15

Sted: HF-bygget, rom 305

Til stades: Ernesto Semán, Roxana Sobrino Triana, Xavier Llovet Vilà, Synnøve Ones Rosales, Jon Askeland, Marta Sánchez Salvá, Solveig Torell Bermudez Morera (studentrepresentant) og Robert Graff Bakkevold (sekretær).

Saksliste:

11/19 Godkjenning av innkalling og saksliste

Godkjent

12/19 Godkjenning av møtereftrat frå programstyremøte 18. september (sjå vedlegg)

Godkjent

13/19 Orienteringssaker

1. Eksamen og evaluering av hausten 2019

Askeland minner fagfelle om innlevering av masteroppgåver og føreståande sensurarbeid. Dei er i gang med å gjere avtaler med eksterne sensorar.

Alle med emneansvar må fylle ut skjema (emnerapport) innan året er omme jamfør *Kvalitetssikringssystemet*. Styret skal kunne studere innhaldet i rapportane før neste programstyremøte og sidan diskutere dei i lag.

2. Oppgåver for ny ekstern fagfelle (tidlegare omtala som «programsensor»)

Askeland gjer greie for arbeidsoppgåvene til Hans Jacob Ohldieck. Han skal skrive ein rapport i året (2020-2023). Førebels er det berre gitt konkrete arbeidsmål for åra:

2020: vurdera emneporteføljen (studieplanar, eksamensprestasjonar, evalueringar m.m.) på 100-nivå.

2021: vurdera emne på 200 og 300-nivå.

3. Timeplan for våren 2020



Dette har allereie vore diskutert på førre lærarmøte. Styret ser med skepsis på komplikasjonar som er med på å konsentrere undervisninga på få vekedagar. Samstundes ser ein moglegheit for å kunne betre på situasjonen fram til og med 1. desember. Folk blir oppmoda til å sende inn forslag til endringar til Askeland eller eksamenskonsulent Turid Daae.

4. Program for «Open dag» 10. februar 2020 og deltaking

Bakkevold gjer greie for tidspunkt og kva faget har sagt seg villig til å by på av program(quiz) under «Open dag». Studentrepresentant Solveig Torell Bermudez Morera blir oppmoda til å delta og takkar også ja til å vere med. Styret meiner at Kari Soriano Salkjelsvik ved eit tidlegare høve har uttrykt interesse for å stå ansvarleg for å arrangere programmet. Bakkevold vil søkje å få stadfesta dette.

14/19

Vedtaksaker

Drøfting og godkjenning av reviderte emneomtalar. Dette gjeld emne som skal gå frå hausten 2020. Dei emneansvarlege legg fram forslag til endringar og motiva bak dei.

Studiekonsulenten vil sjå til at endringane følgjer fatta vedtak og kvalitetssikrar desse. Vidare vil endringane bli behandla hjå Silje Grønner Stang og til slutt bli godkjende eller ikkje godkjende av HF-fakultetet.

(Sjå vedlegga i e-posten for alle endringar gjort i EPN)

SPLA100

Det er grunn til å skape ein sterkare integrasjon mellom emne og studieplan. Målet er å leggje meir vekt på ei tematisk inndeling.

Vedtatt.

Tillegg:

Etter møtet blei det foreslått å fjerne heile kravet om deltaking på 70 % av seminara. I staden vil ein oppmuntre til aktiv deltaking. Denne endringa ligg inne i EPN og vil bli vedtatt med mindre nokon i styret seier i frå innan 13:00 den 28.11.2019 jamfør sirkulasjon per e-post datert 26.11.2019.

Vedtatt.

SPLA117

Emneansvarleg, Sobrino Triana vil endre namnet på emnet frå «Spansk grammatikk II» til «Spansk språk II».



I tråd med tilbakemeldingar frå eigne studentar finn ein det rimeleg å utvide undervisninga frå åtte til ti veker. Det skal ifølgje styret ikkje påverke ressursbruken og dei rådande økonomiske rammene faget sjølv disponerer i året som kjem.

Vedtatt.

SPLA118

Det blir ikkje gjort nokon endringar anna enn eventuelle språklege rettingar.

SPLA119

Dei emneansvarlege, Ernesto og Synnøve, ser at emnet har blitt for oppstykket og manglar koherens. Dei ser blant anna at oppbygginga av emnet gjer det slik at studentane vel å studere berre deler av pensum og fint kan utelate andre deler. Difor tar ein ut område/tema som omhandlar Spania (kultur og samfunn) og senterer «Mål og innhald» til berre å gjelde Latinamerika.

Utoer dette blir det også fremma forslag om å endre undervisningsmetodar samt forma på dei obligatoriske undervisningsaktivitetane.

Vedtatt.

SPLA 350

Sekretæren blir i etterkant av møtet gjort merksam på at ordgrensa for masteroppgåva er omtala ulikt i emneomtalen Under «Mål og innhald» har det stått ei ordgrens, men ho har ikkje stått under «Vurderingsform» som er den faktiske informasjonen sensorane sit på. Dette fell inn under det administrative og vil bli endra på.



UNIVERSITETET I BERGEN

Institutt for fremmedspråk (IF)